



粘畢齋

八

16
268



門和
號 2388
卷 8-4



佔昇齋集卷之十二



國華榮親詩卷

國華連中
試拔英試
壬午科及丙戌重

三級頻聞繞殿雷如君真箇患多才庭闈慣得泥
金報鄉里爭看畫繡回裊裊天香頭上桂濃濃
露掌中盃南川應踵生忠孝為有清風激草萊

代人書義盈庫契軸

昭代同為倉庾氏資材高下不須齊心親貌敬宜
殫盡夕直朝衙肯解携莫以窮通遺義分寧將冷
煖異端倪交情且忌甘如醴世上人多病夏畦

重送敏上人還五臺

中國鴈門郡亦有五臺山

五乃蒼蒼海上山仙宮勝刹徧孱顏鴈門莫詫靈
蹤富鷲子重尋舊隱還煮茗巖間溪月淨談經榻
畔嶺雲閑我聞是處三丘近塵土迷人不可攀

同年李利川有仁詩卷二首

時予自許州還京已五朔

南川居腹裏地着徧人烟井里屋三百賢良石二
千鳴琴物自理飛鳥望如仙應草中和頌立園有
子淵國華昆季居利川

金門同擢第龜組各專城念我欽風績多君慎課
程股肱將特召關節定難行自愧還朝夕于今闕
寄聲

病中二首

纖瘦何曾蒸肉山火雲閑事燒儒冠遙知雷吼雲
門瀑赤脚層冰徹骨寒
賃屋囂湫病已生濕薪烟惹淚縱橫愁霖忽霽泥
如海卧聽街頭琢鏡聲

七月初一日病劇復甦初三日熱退

暫抵冥冥地還窺耿耿天謔言妻子懼危證友朋
憐禍福誠相倚憂虞恐自偏此生今已悟泉石可
忘年

長安三伏雨輪鞅困沉淹以疾資清卧將身入黑

甜唯親蚓竅鼎每食虎形塩可笑山妻意迎巫暗
裡占

秋風侵兩鬢病減尚羸形閉眼金蛇迸掩燈玉藥
明粥香裁節飲藥熟強教傾此是身康濟醫家可
托生

功名若蛭翼靜處勝安禪自覺精神長方知宇宙
全蠟翁封筆管豹脚度香烟添得文園渴西艾潤
肺泉

一卧三十日那知造物情蓬心還自窘鶴骨不勝
清瓜勁宜爬癢言狂更守瓶秋聲時八座催我赴

萱庭

呈箴義寺讀書諸公

病餘廢詩久矣夜來精神差健偶吟七絕
錄似克已可行大虛餘三君子鄭重不能
及也休怪七月二十三日也

六君萬中青錢選陶鑄唐虞在一身請看廊廟權
衡乎半是 英陵儲養人

欄切金地擬西清鐵硯如今鑄欲平目送飛鴻口
玉霸朝廷終是采虛名

韋編牙作杏壇塵萬古淵源只一春魚躍鸞飛潑

子思曾是南人

前後典年真太史渥洼天馬獨行空後來更有春
秋筆雲谷誠能揭至公

擇焉不精語何詳百氏膠膠大道荒砥柱中流配
山斗至今韓後說歐陽

詞賦紛紛各鬪雄古來只有杜陵翁憑君三復無
邪頌月露風花眼底空

六君名姓已登瀛何況波瀾更老成撼樹虺蜥真
可笑病夫無奈太丁寧

西原行賀慶大有

大有名延性至孝忠清道觀察使具其行

聞于朝 上嘉之拜北部叅奉因病不赴

至是禮曹再薦之諭監司給傳敦遣延至

引見于宣政殿對稱旨 特命超四資拜

叅職又賜米五石及饌具七月初一日政

遂拜啓功郎司宰主簿

山高水深西原牧慶君隱居南溪曲南溪草木皆

可敬正為生植淳風中鶴髮宛宛在高堂夢魂不

踏京塵紅脣澹肥甘日方丈怡愉之顏朝暮承赤

身八水捕潛魚首春凜冽猶堅冰風樹不待痛入

天惡乎盡心唯葬祭一部家禮行無餘鄉里初驚
後流涕年年獨抱霜露悲祇薦蘋蘩永終世由來
兩義必相偶家有孟光儀棣棣纂纂實未登籩
鴉不來啄兒不剝西原麗祖所難服一段孝心能
化薄孰謂天高無報施佳聲忽徹明光宮

玉色臨軒催賜官臺覬何曾煩僕僮百年以還無
此事滿朝卿相皆勤容為人曷不觀慶君一朝脚
底生青雲

駉馬契軸詩卷

監察班有上臺回臺復臺之語

天街西畔柏陰陰日趁清班義分深依依何曾嫌

物論遑遑唯欲奉官箴早參闕下聯鑣去晚復臺
中把酒吟頷上神羊如有識莫教翻覆笑人心

八月初九日豆毛浦登舟

情況憨憨似白癡孤舟扶上酒三危荻花蕭瑟斜
陽歛正是騷人去國時

過楮子島

懷紱出闈閣貨舟寄病軀半江夕陽好小塢茅亭
孤非為疏佛骨聊將弄鳥雛借問山中叟誰踵楊
花徒

初十日三田渡早行過廣州

秋風浙浙打船篷古渡漁歌替曙鐘野鶴似人拳
別渚華山如畫露奇峯海平舊宅雞豚散温祚遺
墟草樹濃已去 王城三十里莫教百丈促行蹤

廣律北山岸有海平君古宅百濟始祖温祚自慰禮城移都漢山州即今廣州慰禮即今稷山縣

八渡迷峽

渡迷峽口江如激衝風忽與蒲颿戰篙工尺進復
尋退舟共愁腸幾回轉平生慣乘上水船今日迤
邐須理遣回頭邂逅負兒岳三峯巖却中天面我
行辭君只數日何事顧懷仍繾綣瞑禽啼哭始入

峽如在籠中無復見石間偶記采巖塢九年光景
真掣電當時二客各東西更柰霜風摧婉孌戊子春

與權食知體揚內翰守西同舟至此阻風繫舟三人登岸採巖實酒而飲時有一婦携少娘寄在舟中頗麗權公指余為戲後數歲聞其死

舟中雜興

峽口纒纒復月溪月溪巖畔鷓鴣啼平生習坎空
能誦爭似夷途策瘦驢

病後將赴善山舟過驪州步屨登清心樓不
與主人遇徑還舟中忽忽次稼亭韵

維舟茅舍籬籬端魚鳥何曾識我顏病後猶能撰

杖屨謫來終得賞江山十年世事孤吟裏八月秋
容亂樹間一霎倚闌仍北望篙師催載不教閑

夜泊報恩寺下贈住持牛師寺舊名神勒或
云麓寺

睿宗朝改創極宏麗賜今額

報恩寺下日曛黃繫纜尋僧踏月光棟宇已成新
法界江湖猶攪舊詩腸上方鍾動驪龍舞萬竅風
生鐵鳳翔珍重曼公亦人事時將菜把問舟航

浴安保温泉

丙申年大雨連月川水從溢衝
激温并解舍板斃亦潰遂與川
水通自是水甚冷不堪沐浴舊時泉傍居
民十餘户今無一人問之修葺者一老翁

歎息云為俗來宰相寺假年皆泥從他邑

垣廬摧壞并將埋修葺延豐吏數人病客要除身
上垢湯源見齋瀆中神或疑后媪慵敲火亦道天
公解愛民十室村今流徙盡老翁欲語更沾巾

過烏嶺

余曾於辛卯正月上旬由此路赴咸

天嶺分符去峯頭凍暎空會稽懷印返澗底葉翻
紅魏闕趨踰遠高堂笑語融悠悠十年內不做獲
禽巧

宿浴院村家效吳體

矮屋打頭蚊殷空茶鼎倚杖畫圖中霏霏蒼霧巖

岫閉藹藹黃雲航稻豐巫鼓如雷聚隣女牧牛耳
耳隨小童沙弗州城問何處長林十里斜陽紅

洛東津 在善山境上

津吏非隴吏官人即邑人三章辭 聖主五馬慰
慈親白鳥如迎棹青山慣送賓澄江無點綴持以
律吾身

書兵曹郎廳契軸

圻父官閑世道昌八人分局共周章每於觴詠談
王霸更以金蘭鑠肺腸為酒宦遊啜阮籍乘時晚
遇笑馮唐一生離合難憑事豈悴相從且勿忘

訊囚龍宮縣次慎村酌贈李使君

紅橋白榜樹陰間誰信為官更得閑胥吏何妨雜
鷗鷺琴樽猶暇玩湖山鷄冠露朶憑風亞犢鼻蕉
歌帶月還庭下拊揚愁鞞問人心何異太行艱

和李正言 孟專

故人零落一身存膝下孫今欲抱孫借問菊潭何
處是靈椿千歲蔭孤村 公年八十餘

開寧赤田村別林密陽

飛鳥向神京那堪父老情吏胥寧食父兄弟不分
荆故友深盃灑秋山落日明蒙恩已六載莫恠泣

吞聲

和龍宮李使君時予方在試園

平生雅意竊河清五馬南來荷聖明
酒後頗忘身潦倒髮邊唯覺歲崢嶸
鴉翻紅樹真供畫蝶透黃花更有情
五日鎖園幽况少清歡輸與竺山成

闈席和龍宮

芙蓉萬柄得霜多竹有清陰菊有葩
不用紅粧倩歡笑白袍吟嘯當纖歌

代美人和龍宮

玉虫金粟帳中燃一夜波澄伴醉眠
愧把銀錢收

覆水郎心應戀艷陽年

寶泉灘上迎母氏

秋水清徹底秋山紫漫空彩衣天
只喜常棣仲弓從鴈拂蘆花雪舟橫
磧口風誰知繩檢裏猶得樂融融

公堂饗老

荒城喬木起遐思故國遺風異昔時
翁子腰章寧復哂鎮周樽酒不須辭
一堂綠竹宜邀月萬古江山合有詩
父老醉來爭附耳使君知是舊孩兒

次李濟州赴任詩卷

朝天館外畫屏紆，銜命乘桴快壯圖。蒼海魚龍迎
皂蓋，青門楊柳唱驪駒。投文早已驅群鯉，行縣時
應訪老符。不有仙風無道骨，為官那得近三壺。

次李節度使赴鎮韻

即前濟州牧使李公約東也，後為慶尚左
道水軍節度使鎮蔚山，開雲浦。

多藝誰同指李孫，隨何無武絳無文。能吟競病驚
人句，須建丹青不世勲。北關冕旒思細柳，三邊父
老望鄉雲。廟堂若要調元者，時論應歸獨立君。
百皇頻年把一麾，而今建節正逢時。何妨詩禮為

平匹馬象霜露，三五適性情。卜鄰月波上早晚，倘
能成。

和玉如

不要矍相射來為梁父，吟途中逢石友座上聽商
音。白眼江湖遠，蒼顏歲月侵。懸知春浩蕩，東觀返
何陰。

再和

故國風猶厚，何曾學越吟。悠悠諳世味，得得喜從
音。吾道方多壘，今年不大侵。相逢難袞袞，須共惜
光陰。

次楊持平子由送朴掌令孝元韵

決科早已登龍虎謀國應須鄙管蕭馬鬣封前歌
聖澤鄉間爭看惠文高

林間霽幕觴諸老醉裏人人賦蓼蕭恩洽幽明天
罔極幾多臣節養成高

十二月初四日到密陽明日與柳通贊承
湜孫生負孝祖遊月影寺故基卜可居之
地頗危險不堪意東望羊場夷曠可居既
為公家所占無以為計遂踰月影北岡至
秀才朴處義家朴與其弟同要吾三人坐水

濱良久林教授乾亦至朴以一雞一壺來
飲因請予卜築其地欲割田園與之意甚
懇倦而地不足置別墅也

月影故文室白塔猶亭亭眷焉涉其址山腹披榛
荆篲谷苦傾側何曾一畝平回首羊羔垣人烟隔
林垆灑灑夕陽麗湛湛江水清旁舍有脩竹西崦
多黃精宜着東坡老誅茅寄餘齡地主首不顧誰
為馬正卿置之更探歷羸馬凌兢鳴

林子我之徒師嚴而道尊柳子作一家吾孫即若
孫孫子真拂士呼我為恩門相將歷嶠嶽遂至三

家村朴子頗醇慤儼然看弟昆殺雞且醜酒班荆
坐樹根渚鷗不驚避江水可俯捫請我開一屢斫
割芋栗園雖無會心處厚意難具論

和高文佐

名台翼司宰副正

曲攔清夜燭花紅戶大如何怯大鍾且向樽前歌
白雪天涯一別更難逢

十二月二十六日拜曾祖父母祖父母墳令

從吏審新堤及檻穽

畫錦雖云荷寵光歲時懷抱只增傷干旌子子烏
烏散松栢蒼蒼岡壠長柴殺傍邊窺穽獲雲莊側

時問陂塘為嚴祀事無民事要把誠勤勸一鄉

次權生負處智二首

戊辰歲先君宰開寧余三兄弟皆在衙讀

書高靈權生負與伯謙兄有舊亦來隸業

時方夏築亭於衙園三栢樹下四人每偃

仰吟嘯其中今已三十年矣伯謙兄之歿

又將二十年權君嚮者道過開寧見三栢

猶在荆榛間賦詩一首丁酉人日訪余于

善山錄其詩以示遂悵然和呈

憶昔趨庭絃誦鄉海松陰下共回翔逢君此日增

招帳屈指人亡二十霜

懷印歸來是故鄉
機心未盡海鷗翔
盃盤草草逢人日
握手相看髮已霜

立春日贈張主簿 仲誠

雲物呈春候
城樓動曙光
東郊牛不凍
南徼鴈將翔
鬢髮三分白
梅花一樣香
行厨餘臘味
聊欲對君嘗

上元前一日因待客獨坐海平東軒至暮

波澄空館岸
綸巾薄薄春
愁觸惱人笑
看老農
拜處烏雲一
朶擁冰輪 農家是日望月占年

佔畢齋集卷之十三

古風二首

威鳳在深林
奚翅雕籠拘
羽翼盡摧碎
砉然一身孤
言念昔遊棲
豈無千歲梧
鷲鷲西北至
日夕長其雛
飛鳴幸有伴
南山錦鷓鴣
鷓鴣不謹密
亦為鷓所屠
衆鳥側翅過
誰為威鳳謨
威鳳且勿動
一喙無餘膚 梁簡文

蒼蒼木蘭樹
托秀千仞崖
孤根露石齒
風雨苦未諧
脩藤最多節
引蔓故提携
薜荔亦交貫
芬馨日夕佳
相依護外患
扶顛寔所懷
一夕星火飛
宿志

良已乖嚴霜覆柔條節脫但苦爰但願木蘭固捐
生果何悽 唐文宗

送鄭山陰蘭秀秩滿拜監察還京次貞甫韵
峨峨控後冠濯濯梅花雨歸去視朝廷境龍翼英

主 蕭蕭駉馬鳴父老淚如雨誰道俗頑器猶能戀舊

主 憶昔換鵝亭裁詩看白雨迎將不厭煩君是湖山

主 頭流窮絕徑相繼象烟雨猿鶴想應驚行藏羞李

主 余遊頭流明年鄭亦遊

主 此去若登仙休歌渭城雨他日隼旗飛吾猶東道

用西河君韻賀甘軍威登第 甘昌原吏也六
十後得第拜軍

少日才堪詠曉霞青雲攀桂路非賒飛騰忽趁桑
榆暖人道昌原積善家

詠善山東軒梅次子真韻具節度使令賦
地邊脉脉倚風斜肯怨天公剪刻多二月尚絨新

尊木何妨容易放瓊花 時欲開未開

閨情次子真韻

青鳥飛來是阿家
夜深人語隔窗紗
園中鷦地東風急
錯把梅花比杏花

送東萊君帥永安道君曾為本道觀察使

肅慎之南鐵嶺東
煩公持節振威風
詩書舊布甘棠下
罇俎新開玉帳中
綏帶自應寬北顧
長城只合謹邊烽
遊魂胡得輕馳突
十萬兵戡小范胄

和玉如見寄

鬢髮三分絲樣明
如何名宦尚纓情
消磨世故憑荷葉
驅使風光在管城
病後清癯兒亦笑
座中兀

傲客渾驚梅花欲寄空
回首鵲鵲停雲天際橫

和鄭比安

名仲慶居善之金鳥山下年八十九

老去田園管物華
清詩悲壯當胡笳
兒孫應勸治龔酒
澁雨慳風苦未和

世間榮落猶觀幻
林下光陰到爛柯
畎畝何曾忘魏闕
長歌麟趾咏于嗟

故故金烏橫翠黛
寬閑真是考槃阿
誰知冷隱先生後
黃耆清風一倍加

海平縣倉分糴野人家
得梅一枝挿瓶置案上
殊不知坐紅齋塵土之中也

揀送繁枝掉膽瓶野人如識使君情官倉掃却陳
陳臭為有香浮盞觀清

寒食日雨

閏二月十三日

休誇故里印纍纍雀鼠紛紛莫敢窆四十七年頭
欲雪一百五日雨如絲池邊凍燕繞尋壘軒外怪
梅忽糝枝誰向空齋掣鈴索使君方且探春詩

清明在西郊課各村衙日胥徒理竹川荒堤
忽望司馬諸子會剛叟林亭飲酒以詩寄之
西郊潑火雨新晴民事恣恣當踏青却羨賢關二
三子擷芳浮白作清明

和李正印貞元

時李餽余棗煎酬以海雪

霞暈凝甕滑酥香透紙清曉窓時點酒絲髮欲回
青

海船遲遲到園蔬頽頽新遙將一斛雪乞與和甘

辛

和權監正

得經

畏首復畏尾借問身餘幾林泉聊可娛悔見挪揄
鬼

戲與吉直長

仁種

仁種司諫再之孫也所乘驪馬死埋之後

園人謂有乃祖風

冶隱先生半畝園空堂留得弊帷存盜驪不為無

鞞剥清白真能遺子孫

本朝司藝下九祥所乘驪
馬死祭以芻一畚豆一斗

潘計一盆其文田剥汝之皮以無鞞也食
汝之肉以無饑也士林以為笑

鯉埋淵禱雨書于沙上

四月十五日

田疇龜坼稻難芽天意茫茫坐畫沙
虎魃未知誰所使神龍聞導此為家鑿
刃忍斷舒鳧頸桂月變成泛齊波無德
及民雖可愧也饒方寸耿丹霞

齋日夜賦

卷幔臨江水蘋香夜寂寥鶴鳴清露下
月出大魚

跳刮眼占銀漢齋心禱絳綃
箏師知我意早整木

蘭橈

龍壇在東崖厨帳在西岸故乘舟渡而祭之

十七日喜雨荅林貞叔四言

昨日何日今夕何夕皎皎白駒
場苗來食方虞旱曠洛水將竭
守土穢政坐埃誅責何圖湛淫
慰此嗚咽于時故人笑言孔洽
歸功九重殊有筆力拊髀詠嘆
以代鼓樂

和貞叔

布穀催耕后土乾風官堪汗病夫
顏今朝忽見商羊舞喜色懽聲巷
陌間

戲呈鄭開寧簡元

鄭借余麗史而讀卷背有翻墨處以書謝
云吾家小娘子所為勿訝

梅雨脩脩簿領疎手披青簡惜三餘小娘塗抹閑
窓下似厭爺爺好讀書

康甥伯珎得第來榮吾萱闈及其父母子嵩
善將還也贈以二詩庶幾求和于縉紳間必
有以張吾甥者矣

回翔僻水久迷津一第真同尺蠖伸望余幾年成
宅相今吾今日慶慈親殿前法酒霞光灑街上恩

祀草色新子姓嶄嶄出頭角病夫合作耦耕民
宴罷瓊林得意歸探花使者馬如飛吾家自出真
無忝王國賓興正有輝溫飽何曾誇行輩忠勤只
可悅庭闈臨分真怪丁寧語宦路如今多是非

自端午大雨至十日不止甘川竹川皆漲數
日不退悶甚有作

南樓五日雨聲豪憂旱餘懷首屢搔千古竹川纔
射鮒包山巨浸自滔滔
小麥青青大麥枯黑沙白浪忽吞層觀風十里平
如掌捲盡黃雲赴大湖

觀風院名

黃梅雨挾石尤風水溢田原處處同閃向譙樓一
回首天關地軸浪花中伯仁以冬至山為天關玉
山為地軸
大祖山前百步洪梅將椒醴賽龍公馬鬃幾滴吳
如許贏取元元怨此翁

和元叅奉檠李生負承彥諸子韵

蠹簡已窮文杏館仙娥應剪綠雲衣平生堯舜君
民志肯羨車輕馬亦肥
苦茗三盃醫當酒疎簾一桁妓為衣使君誰訝貧
無病喧靜中間道自肥

豕首與游學諸子

太守宵中無寸鐵烏將軍已喪其元朝來為問窮
經客幾把壘盪到日昏

和玉如知雜

謾把蓬廬土木形道山曾躡鳳皇翎文章敢擬三
千牘歲月頻驚十五蕙故國龍鍾空製錦殘編狼
籍又飛螢裁詩為問金蘭友白虎談經肯數丁

和玉如商霖之什

玉如并示御製喜雨詩

雷封才百里甘雨化愁霖政拙宜投劾詩狂不受
針宸章天可動民事歲將陰為報風霜客衢樽
倘共斟

和王如

肯教人畏日應有賦凌雲擬誦黃山谷公寬柱後
文

和朴正字 未詳

人多目爾批糠前名教中間可度年莊叟何曾謝
虫臂馬周未必恨鴛有一窓螢雪時將晚三級風
雷水自懸已得飛騰酬素志應須刻鵠伯高賢

南高山 昂 張教授 李淑 宋教授 守啟 在星州

鄉校課試生徒僕以官守未得趁晤詩以謝
過

碧珍東畔弄清伊政是搜材夏課時講舌欲乾應
啜茗睡魔方窘可談詩膏肓我覓三年艾酬對君
同五綵龜簿領若為能掣去杏壇陰下共傾危

李生負承彥元叅奉 槩 李生負 鐵均 郭進士

承華周秀才 允昌 金秀才 宏弼 會府之鄉校

討論墳典時與病夫問辨數月矣聞八月中
主上將視學取士治任告辭送之以詩

博帶褒衣正匹儕寔音喜聽月波西幡幡乾葉勝
鷄臙細細槐花逐馬蹄聞道賢關動奎壁應將彩
筆吐虹蜺自多吾黨多奇士洗眼行看淡墨題

魚網呈權監正得經和前韵

鬼
啟笥莘莘尾秋來能有幾雖慚數呂低猶勝鷓鴣

次李正言孟專

青紫班中無夢寐耆英會上整冠襟門闌喜氣孫
生子里巷懽聲歲守心時喫野僧同茗席每指病
眼閱書林壺中日月真如此名宦紛紛幾陸沉

書駘馬契軸

鐵面乘駘孰繼聲吾儕正值運休明班心白簡曾
相屬臺上清搏亦共傾齷齪堪唾雲雨手紛紛還

愧米益名丁寧更礪風霜志莫使兒曹取次評

次下倦軒韵贈黃教官

鸞飛魚躍共天光活水源源自蒲塘絳帳清風槐
市側青莪遺澤月城傍螟蛉變化人知教駟駟超
驥世謂祥禮罷秋丁仍促膝不妨看竹引壺觴

予以監司關到慶州為秋丁釋奠初獻官

次李進士翰南軒韵

尚書莊裏夢魂通鷗鷺由來不可籠契分只應追
石友機關聊且笑狙公壚頭自酌三杯酒軒外常
號萬竅風愧我一行為俗吏如今雙鬢感秋蓬

東都人至今指崔致遠故址為尚書莊

次鄭比安仲慶韵

紛紛世路謾多岐寂寂鶴樓只一枝不獨孤堤雲
與月從容魚樂亦應知孤堤比安宅邊大池也來詩有友月朋雲之句
平生壽福無人擬黃髮看花也不中聞道齊眉已
乘化樂爐經巷與誰同

和金澆

乖崖獨步海東頭令子逢來正九秋話裏何曾齒
雕篆乃翁奴視畔牢愁

月波亭下送仲素仲素以疾辭大丘還京

擺落塵埃向玉京長途軋軋筍輿鳴八公錦樹秋
將晚雙闕青規子有名汭路樓臺勞望眼滿江魚
鳥識離情月波亭下河梁曲今日琴中一再行

奉和四佳齋

郊廟已諧周雅頌丹鉛應草晉春秋泰山北斗人
爭仰難泛滄浪一釣舟來詩月波亭下泛蘭舟

奉和晉山君君時為吏曹判書

一足之夔蛇有餘說來毛穎不中書只應求馬驪
黃外寧問文東與武西

山公藻鑑駭兒童肯要停年一吏功異日請看材

館錄也應遺却聶嘯翁

奉和成均館諸公韵

袒割鮮雍真曠代千岭吾道未應非眼看盛事心
何似聞說橋門駐六飛

九月十八日曉赴安谷驛迎節度使有作贈

鄭剛叟

畫角聲中整韜韋為迎旌節驛亭賒荒村十里火
穿屋缺月五更霜蒲靴擊兔伐狐真有興栽松問
竹豈無家隔溪羞殺水髯叟軒睡方酣寤曉笳

剛叟與余同甲鬚髯五白

剛叟見和復次韵

年來塵惹虎紋靴寧恨雲林去國賒親老自鋤莪
藥圃才高不着繫錢靴欲談人物求三代喜有風
聲樹一家徃日看君零雨竹清音却勝却胡笳

時大兩軍士屯于三田渡而連日寒雨剛叟有武士吟靈雨之語

若木縣聞孫克謙善養花木與徐教授智南

訓導季李生負兢同訪入其園有盤松如幄

菊數十種蘭六七朵遂坐蒲薦小酌孫饋紅

柿自言年今八十一矣

十室卑湫地閑園數畝荒松為一柱觀菊作百和

香小砌蘭承露踈籬柿得霜土人年八十燕坐惜
頽光

築城行

丁酉十月觀察使請築昌原尉山二邑之城三旬而畢

秋禾蕭蕭不滿劫滌場未既催徵科海上復調兩
城役八頃一抽人如麻西呼東叫伯音格音長豈不

少緩畏使家憑渠勿和澤門謳三浦之夷心腹憂

和國華國華時為藝文館直提學

分符不是有監州肯恨星星髮秋塵事只堪供
冷笑麴神唯解敵乾愁粉榆謾守千年社湖海難
登百尺樓他日尋君君肯頽君居已近鳳池頭

允了作善山地理圖題十絕其上

故家喬木至今存太守應先下里門半是簪纓半

刁筆順忠公後幾雲孫金大匡宣弓謚忠順佐庶相有功府之士族及鄉吏

之為金氏者皆宣弓後

指為水火是甄王仁義終能定四方試覓山中盤

馬處岩花澗草發天香府東十里許有大祖山公傳嚴相盤甄萱時駐驛處

桃李山前桃李開墨胡已去道師來誰知變奕新

羅葉終是毛郎嘗裏灰桃李寺在府東十五里新羅時沙門墨胡下至府之

道開部曲毛札家札作窟室以奉之墨胡道有稱阿道者又至札家札奉之如墨胡構寺以居遂為名此新月見山前桃李盛開

李候板築得天時海寇遊魂不敢窺為問遺祠在
何處壞城秋草自離離離未後兵寇州知州事李
離得辰築城以禦之邑人德
之立廟以祀今廢

竹杖蒼邊古樹攢石繁猶鎮壽星壇 聖神今日

輝南極負海人將指點者府西五里有竹杖寺麗

鳥山鳳水恣倘佯冷隱清風說更長嫗亦能詩

相杵至今人比鄭公鄉吉再隱居金鳥山鳳溪同

以詩詞相杵

鄉人從古重膠庠翹楚年年貢舜廊一片城西迎
鳳里青衿猶說壯元坊迎鳳里在西門外壯元植

滄海茫茫紫鳳騰八年生理只孤燈故來試把菱

花照臉上丹霞一半疑鳳溪有烈女名藥加其夫

存沒不食肉不脫衣裳而寢凡八年而夫

扶桑使者每揚舲十里樽牢慣送迎賴是聖明

聲教遠遨頭頻上月波亭亭在府東十里餘次津

本府必設宴于此

寶泉灘上集商帆千室人人食有益誰要脂膏營

什一古來長吏罕能廉寶泉灘在海平縣西五里

甯以故

十一月十九日金正字應箕榮母墳席上戲

贈

眉宇依然見鳳毛江關十里唱聲高孤墳夜篋封

三尺清洛冬肥水一篙時連日雨難水漲溢刺覺鄉間添物

色更教父老勉見曹賀君初度吾言驗今日宜酬

金錯刀

正字金觀察之慶之子生於乙亥立春觀察命名春童子為序云

李經歷蓀持磬叔嶺南安否狀以來其中

有寄余一詩曰金烏山色邈崔嵬往事渾

如一夢回風雨館中聞寶瑟月波亭上把

離盃相逢未展從容話別後難禁輾轉懷

製錦才高多有暇須憑征鴈付詩來次韻

附呈磬叔時為司饗院正

五雲雙闕正崑崙魂夢見越日幾回才子太官調

御膳孤臣荒郡勸親盃地懸氣味何妨似歲晏風

流自可懷嶺外每聞星使降殷勤傾佇好音來

鄭比安仲不赴老人宴有詩次韻且餽以酒

樽前鳩玉知多少却少襄陽第一流為遣金烏春

色去傾銀莫惜掉吟頭金烏春猶坡翁羅浮春也

除夜

既厭月波魚堂堂歲又除是非同一馬喜怒任群

狙石鉞澆腸茗蘭燈滿架書徂年不可繫明日意

何如

卷十四

十四

佔畢齋集卷之十四

送人故日本

滿腔忠信未蒼顏
縹渺雲濤入眼閑
劍佩已遙青瑣闥
舟航將卸赤間關
蠻嶺井井分三町
鰲頂茫茫冠五山
已把壯遊酬素志
家人忽夢大刀鏢

州日本國都其都中道路皆旁通四達每
一町有中道三町為一條條中大路井井
不紊凡九條赤間關乃
日本西岸隸大内殿

送金校理訥如日本

阿每之邦海中央
瀾汗萬里連風檣
班衣使者日款
關大貝南金充尚方
聖明恭已重交鄰
君乃

尾齋卷十四

受命辭明光何曾刺刺語婢子振策已覺窮扶桑
湖南嶺表路逶迤爭覩天孫雲錦裳歌吹轟虓蕩
黃灣截雲大編穩於堂馬銜蹀躞天兵道飛滂駭
浪猶康莊由來忠信行蠻貊况君誦詩言有章英
英上介衆所推丰儀雅望可交相便蕃厚貺達
宸意也應感動鑪倉王臣僚左右共謬足角弓嘉
樹聲榆揚故來敷奏文石陛天顏悅豫催賜觴
暇日秦鞞壽庭闈僕僮亦設眉間黃板板大觀償
素願誰數雲夢吞宵腸我今踟躕簿書間張矢之
志墮渺茫天涯送君若自失何異河伯空壑洋秋

風貽我紀行錄庶籍一班添詩狂

日本國王源義政世主鑰倉殿

送曹仲得本字

赤驥飽香苜燕越朝暮返強弩能持滿其發必及
遠叔度吾婦弟頗好紙田墾弱冠無師資能以三
隅反詩史徧搜討經菑亦撫藜仲季若墳麓蘭蕙
滿畦畹充積已有餘誰為發開捷時作不平鳴班
班傾藝苑波瀾漸滂沛奇峭雜華婉鄉人輕節信
吾力難推輓聖朝少遺材何况此琰琬一日聲
徹天寧學踰垣遜待詔於公車得與太官飯
御題出如綸筆落瓠水建却笑杜子美春官與褒

哀巷伯起下風腰綬繫已穩俄從出彊使張帆指
日本撫壯一夷險君心吾自忖時維日南陸景風
搖麥阪海水澹似油鱗介無聞狼乘舡如騎馬如
在牀息偃去去拾風土團藥期歲晚物情易毀譽
受益宜自損故來增睿渥豈徒從虎園勉我忠興
孝吾詩誠繾綣

送趙佐郎之瑞

高才穎脫正芳年首應宏詞氣褻然冠玉吾知中
有璞滄溟人道外無天連空沈瀝傾三雅落紙雲
烟滿一船想見扶桑風土記故來拜獻赤墀前

觀察使安公寬厚鄉校歌謠

大厦美安相公也公受命為

方伯於嶺南而民之仰
如厦屋馬

大厦渠渠眾羨斯萃榘楠杞梓丹堊塗墍虹梁脩
桷磊聞負鼎君子所瞻小人所庇

渠渠大厦于嶺之陽其架千百有室有堂風雨攸
除而不廉宸溥彼辰區皆圍我墻

其中伊何乃倉乃廩其儲伊何菽粟貨貝飢寒疾
痛均有所賴宜其驅除雀鼠之害

吾王仁政殊方內向眷此南蕃付之清莖有賚于
民公為府藏庶無憚勤以辜瞻仰

烏山峩峩洛水渙渙涵泳化育肇自童冠天惠文
翁於樂在泮云胡不喜唯以歌贊

和士廉四首

什一征民邁舊章宸奎燦二照銀光露門參決渾
仁政欲紀還慚頽善忘右和咏一文宗御札

樓前故燕可潛然半鏡還圓問幾年琴上新聲君

記取亭亭翁為後生綠右咏建城君寄金海妓願也詩云金官日國憂依然

燕子樓前又一年燕子也應隨社到人非
燕子到無緣又連城於宅後園作亭鑿池
種蓮號

聞君已覺卜商肥海上山川辰似飛千載崑山仙應

不死風炬相伴宿苔磯

平生不作素絲悲鬢髮如何種種稀見說海洋江

上塢白梅盧橘竚吾詩

和安陰訓導韓同年從愈

鄭公門下採蓮人人道風依老益新仕宦不求牛

後大閑窓應已草錢神鄭公陟癸酉春塢以禮曹參判為監試考官

點風臺畔栗如拳秋興君應不浪傳數箇青衿温

習後何妨高會酒為年

五月梅雨不止得玉如內相詩山南山北雨

浪之姑婦相將刈麥忙太守憂民心政爾無

端詩酒減尋常注云自甲子始雨至丙寅江水甚漲想故原有漂麥之憂京奇則李淑城為承文判校方綱盧自亨同升為司成斯文久鬱之情風雨可調云之遂戲次其韻三首
 月波高下即滄浪勸飲邀頭最號忙雨若未休宜引去吾君吾相督官常
 舶趁風來滿樂浪擔夫炊婦更奔忙金烏病守宜
 飲醉餅餌家之飽有常
 成均祭酒舞淋浪應奉班頭把盞忙久雨忽晴收
 衣競天翁誰道不于常

月波亭宴大內殿使臣瑞興德恩等二人用
 板上韻以賦求余和 走筆贈之

細雨斜風六月秋月波亭下艤蘭舟更將醉墨旁
 揮灑知是扶桑第一流

舟泊三吳問幾秋三吳舟又浴江舟海東海內遊
 遊遍問幾男兒是勝流德思詩有曾泊三吳萬里

語故答
之以此

二使復和次韻

鼎之光陰過麥秋便風應為送故舟天教凍雨留
 君輩脩雷淙之滿意流宴時大雨衣

襟袖蕭蕭越鴈秋何人橫笛倚孤舟憑君捲起簾
旌看兩岸峯巒翠欲流

侍者瑞秀見和復答

江上樓臺一片秋吟詩款款屢移舟纖絃急管多
情緒慎莫催故截碧流

七夕伯玉逃酒而還戲寄

河鼓之居河為開相望脉之一水間一年三百六
十日除却一日長為鰥伯玉曾是曩情流蟠桃偷
得來烏山一晝一夜一百刻一刻不弄無歡顏清
迥樓中望牛女翠娥環佩方珊之觥籌交錯絲管

開賓朋中酒乘馬班君胡為乎效鄭伯蹇驢羸僕
啣枚還也知牛女更誨淫一刻尚恐餘分閑人生
此樂未渠央伐性之斧防之難請君更續題於錄

我語雖拙何須刪

答剛叟

時中外處女自九歲至二十歲禁許
嫁剛叟有女才六七歲來詩云

白頭安臥正遇大平時聞道門楣弱其如議政
遲

和鷗波軒韻與善源克已同賦

仁興寺僧克
浩所扁也浩

善畫

方外如師有幾流橫拈一錫笑由之江湖到處無

波浪浩蕩難馴萬里鳩

多年跌坐雨花壇思在朝暉暮靄間無限丹青莫
一瞥撥開用盡十分閑

滄浪亭

在草溪郡黃
范律南岸

炎塵故之助詩班一上滄浪俯碧灣
哺子鷺聲紅蓼側嚙舩僧影翠岩間
未妨濯足驅長道且要科頭看遠山
鋪歡兌教漁父笑靈均千載可能攀

武陵橋

有人作橋閣凡
十餘間將圯

虹橋如畫蘸驚波橋上遊人側足過
我欲揭之君莫笑孤雲寧蹈畏途麼

紅流洞

九曲飛流激怒雷落紅無數逐波來
半生不識桃源路今日應遭物色猜

題詩石用孤雲顏

清詩光燄射蒼巖墨漬餘痕闕泐間
世上但云尸解去那知馬鬣在空山

海印和板上韻三首與克己同賦

三師有遺蹟尋討愜曾聞道顏真無敵
神工自絕羣祇園花想雨香積飯應分擾
之方袍士誰知如

許勤

三師順應理定希朗皆新羅人也應初基
此寺定繼營朗又重修崔致遠有真讚

孤雲佳遯客白日大名聞巾屨同蟬蛻風標混鶴
羣碁盤空剝落詩石半剝分細履仿佯地追懷祗
自勤寺之少西有孤雲碁石

梓板千間架殊方亦聳聞蟬蛻朝自織蝙蝠暮為
羣霧暗書楷溢風敲木理分須煩鬼呵護免使後
王勤日本知有大藏板
每請印本而去

海印寺住持學誼持水多寺詩卷請和

金地重輪奐旁招絕學禪真乘良足衛綺語不曾
傳分食禽窺鉢支節月滿川非師觀天奧何以答
雲烟

又題學誼義軒雨千峯所揭

指南華扁物皆春仁義充來萬象新始識千峯能
善誘陷人寂滅摠非真

海印寺雨後涼甚夜半看月贈克己

天將凍雨贈清秋半夜鐘聲殷石樓却憶當年香
積寺一輪明月萬山頭香積寺在頭流
山天王峯下

和安上人詩卷

韜鈴曾脫略却占白雲區未信磚成鏡還從石點
頭瓶添溪月曉笠卸海山秋我為窮源到休嗔客
倦遊

用螺僧顏書圓尼卷

比丘尼道圓俗名得慧也少為安林驛吏妻其

夫死守節不嫁。二晚年瑯琊山僧道嚴學禪構淨覺庵居焉年已七十餘矣聞余在海中送其詩軸乞言書

二絕以答之

久聞郵吏婦剩有栢舟風何用論門地民髮萬古

通

打散野狐禪須眉在目前昔年甚精猛應上最高巔

八月十四夜宿若木慶風樓夜半有鶴飛鳴

西去

慶風樓上月同樓倚柱遙看野色迷何處橫江羽

衣容晏然飛過小溪西

次玉如內相三首

去國已十載兒童項領成翻雲與覆雨辜負義皇

情

蟪蛄咽高樹天地歲將闌星之自滿髮不用抱鏡

看

銀臺有仙李疑之德不孤行看廊廟上挽世回黃

虞

次克已寄寂堂兄韻

暫隨烟霧入溟濛水穴風岩萬壑中希朗塔邊烏

啄磬孤雲臺上鶴
疏松已教塵躅迷
幽逕長有仙
颺浴半空却笑將來居
烈守山高假步與吾同
疏

以親老辭職還咸陽與吾遊海中未幾為
居昌縣監居昌即新羅居烈郡也

曹仲還自對馬島
覬紫石硯有詩次韻
硯有海濤

并列
筆樣

日本多郢匠揮斤斲山骨
波濤滿面起寒浸
猩々

筆鳳味少温粟難將語
同日曹子海中來
袖裏卷

蓬渤贈我恐非宜
風騷君入室

別室小睡清迥樓下有穴室四間已亥秋令金
清迥樓東廣善西北山蒼翠入簷低琴歌既罷支

頤睡絕似歐公畫舫齋

義城西板項里民居六十餘戶皆在山頭

衡茅點々入雲烟
駒犢鷄豚散石田
應是堯民避

洪水子孫加戒在山巔

閏十月初七日比屋東軒獨坐次

薜蘿上韻

繫馬欄諳下庭空
吏不來松崖僧獨去
柳渚鷺雙

迴露菊方榮
悴風靡自闔
開陶然成晚興
燈影灑

深杯

金敬差恠臣到固城訪其玄祖墳於海上而

莫之遂作詩亦余求和玄祖名祐高麗時糾

正也提學金濤號蘿菴山人文翼公汝知文靖公自知皆其後也文靖公號逸溪

神山鬱之層樓邊玉節依之馬鬣前地下有靈應絕倒曾玄相繼響豈然

曾遂安期駐海邊丹丘甯傲百年前神仙有後當熙運誰謂青烏術未然

延安門閤貴連城衮之岩廊濟物情蘿菴逸溪千載士如君真箇踵蜚聲

海上雲霞是赤城椒漿奠罷更傷情一門子弟皆蘭玉策勵終應不墜聲

書黃著作作璘茶親詩卷

一善古多士號居嶺南半三年論秀時翺楚光里
閑雲徧展驥足非惟一二筭昌期屬百年耆舊漸
彫散黃子生最後總角能操縵寸陰宥虛擲誦讀
無留難殷盤破詰屈裁畫參繫彖經史已融會儕
輩為嗟嘆充積既有餘縱橫富詞翰金門曉日闢
姓名忽燦爛同登三十三年芳子宜冠吾鄉文獻
衰賴有此好漢 皇恩錫榮宴出餞傾蓬觀霜風
搖草木月波清且渙呵喝喧州閭看羞陳机案四
座列宗姻具慶樂衍之青衿舊同隊爭指天葩玩

粉面要取憐腰肢
發笑粲勸孝正在斯人之洗眼
者我今忝邑宰與子實同貫
賀儀雖莫捫禮意漸既
灌但願衆薰陶清風化塵悍
競為克家子父盡能
自幹孝可移於忠他日期襄贊

恭和 御製狎鴝亭詩八首

東南水作漢江流襟帶神州萬
之秋一曲風烟金
盞地百年身世白鴝洲
藏名豈比楊雄宅去國難
同范蠡舟唯念昔時隣
閣友班之鬼錄匹堪愁
啟去非緣退急流山河終始鬢
成秋依之魚鳥親
三老漠之雲烟近十洲
樹下每拋消日局茅間閑

閣濟川舟長安咫尺何勞望
李白當年在自愁
蒲柳蕭蕭已飽霜三朝蹤跡殿
西廊殘年欲逐江
湖志皇雅如垂日月光捧讀
還思陪 衮朕沉醉
多幸酌天漿謝墩風致真無忝
朝著何人故謗傷
鬱之槐堂冥闕傍幽亭今復俯
瀟浪鴝來鴝去江
于開潮落潮生海口長曲檻臨
風鳴鈇笛晚汀乘
月捷胡床星辰滿壁天颺動
仿鬢猶聞禁禦香
無限人間倚伏機一時收斂付
苔磯鯨魚噉之方
游樂鴝鳥開之不駭飛有容徑
斟酌耐送入城還
荷睿恩故赤松遠矣空翹首風
露寒侵鶴氅衣

隱几閑看渡水雲滿軒
玳簾浪生紋宅邊不作馬
三埒池上唯喧鶻一羣
白髮丹心追稷尚遠猷辰
告荅華勳盛朝元老今
謙退持祿人之愧十分
曾冠先朝帶礪盟八篇
奎藻士林榮慈遺一老天
應爾可見吾王眷倚情

江水江花秋復春
忘機魚鳥便來親
亭中日柱看山笏
自是凌烟畫裏人

讀史二首

一片心從竹素遊
無端枉作祀天憂
黃虞逸之成千古
孔孟栖之志九州
世事那堪狗脚朕
民生肯

要死猪愁青山隱
几閑料理松籟蕭
自送秋

消長相尋奈我何
茫茫宇宙閱人多
鼠啣窠藪寧容穴
鈞脫袂襖可擬邪
七葉貂蟬真積累
百年城社旋消磨
薰蕕同器非難辨
太息無人續卷阿

書李都事世佑詩卷二首

東土多才海內聞
淮安諸李擅英芬
累朝科日無虛榜
三事謀謨必策勳
世德儘故青簡容
典刑爭識白眉君
須知責報天方定
堂下槐陰蔚若雲

郎署三年屋打頭
庖丁眼底欠金牛
高才肯學囊中穎
壯志應嫌幕裏籌
宿麥連雲知實惠
含桃薦

廟首神州嶺南節鉞君家物父老行看露冕遊

古意五韻五篇

美人葵之隔秋水連空雀葉無涯淡雄虺短狺潛
復起商旅輟機舟航斷欲往從之心蹇產

美人楚之居岩壑通天箭箭射虎嗥揮肉吮血饒
腥臊牽蘿補茅春復秋欲往從之心悠之

金甌王盃世所珍百行一缺祇自塵於戲此意難
重陳山有蘭兮隄有繁我思美人未敢言

和曉之迫崦嵫玉軟雲旗何處之攀援桂枝渴
且飢我有佩璲不可問水遙之兮山隱之

前修事業有竹帛大雅風俗誰能識杜陵八哀堪
太息我生之長折木津云誰之思西方人

八月緄妻生子於開寧橫川里舍善源名以
喜孫十月二十八日緄妻來蜜陽吾淑人出

門欲抱其子始知月初已天

調麝研砒有老姑迎門不見掌中珠天公薄厚真
難曉春卯雞窠八九雛

十月十一日緄亡十五日藁葬于日峴
人生百年忽已半草之得喪誰恩惡鳩巢甚拙雛

不成郎罷眼中誰復健汝故真似黃臺花三摘四

摘今抱蔓妻啼婦哭不可聞強欲寬之腸寸寸
神清骨秀年十七善源半子吾家督將期讀書保
門戶得抱兒孫分顧腹吾方枕塊明發窩源乃蒙
恩返鄉曲兩翁憂喜汝不知奈何恣之故窳木

善源以事付處高
靈滿三年放還

昔爾天嶺患疹瘡王母撫視猶已傷善州爾迎爾
相故王母醮爾臨中堂王母前冬捨我養爾今故
侍何倉皇令我中居抱荼毒號天叫地兩茫茫
東坡礮落千載土偉量江海無涯淚眼前立竹幾
丈夫猶為幹兒勤拭淚我今半百日衰朽雖有二

娘徒耳之此生未遭天定時子雲東野問誰氏
汝方大病念汝兒汝妻獨來汝長意汝失汝子我
失汝父子至情汝得知百世在後亦朝暮再世之
鬼應長飢嗚呼天高不可階有生當抱無窮悲

估畢齋集卷之十四

佔畢齋集卷之十五

明上人每春秋行脚遊涉山川今辛丑暮春
惠然顧我於明發窩將入載岳之吾鄉之天
台鴈蕩也余在咫尺尚未探討愧師先之次
克已韻以贐云 上人即螺僧玉明

天台鴈蕩共蒼泚見說仙關日月長三弄海螺故
去好白雲何處更深巖
半生憂患邑中黔青壁丹崖愧宋織今日遣師探
討去十分乾恨在眉尖

安時叔與盧祖同鄭世麟二秀才遊載岳

寒落荒村裏閑齋杜德機鹿門空在望鴈蕩未同
皎歲月吾嘔血岡巒子振衣衰邊百無用鼃勉惜
芳暉

歲晚得三秀窮居亦自饒塵埃誰苦節山澤有佳
招古義參差見機心積漸銷君看靈井側練實日

蕭之山下有靈井寺

舉之滄浪客招之凝水潄羞為干祿學喜有樂天

心疏羈何曾飽膏肓擬共針古來非實踐吾道竟

浮沉滄浪亭在草溪三人皆草溪人

四月十一日雨

一春千里旱十室九飢民烏昧斲將盡紅陳調未

均山奮麥短之夜巷鼓頻之今日迎梅雨天心真

愛人今年旱甚多飢饉爭掘烏乙背而食此草生

下田中或如柏大或如彈丸蒸之以食亦可
生食余疑此乃范文正公所進烏昧草也
殊與背同音東人語轉而云烏乙背也更
始時兵士掘鳧苳而食疑
亦此物當矣博物者辨之

慶山蔣生負寄詩慰余無兒譬以鄧伯道次

顏

鸞之鴈之成行處三徑風流便屬君獨抱外孫期

宅相衰門多釁不堪云潢蔣謂開三徑生負所居
園林幽邃有男女四人各

又生子

漢
作

寄柳氏女五章

運禮之山維石岩々我見其幽不見其南山輝白
虹不齒何慙故兮故兮返我故函

運禮之水黯々青泥載揭載厲浼我所獲渭鯪湘
魴游焉必迷故兮故兮返我前溪

運禮之林臭味斯蕃其樹有樗其草無萱蘭蕙孤
芳何能與存故兮故兮返我中園

山有孚尹玉可求矣水既澄澈魚可游矣林之潔
除蘭可疇矣故兮故兮後可謀矣

提々要褭泮中髦士咏々二妃梨栗斯喜乃父雖

貪室有億穠故兮故兮逢爾君子

贈揚秀才浚洪貢生裕孫

浚與弟既從裕孫自京路從步千里

未學及其還也見其依々似不忍別不能忘言書五詩以贖云裕孫南陽人也

神都蔚清壯藹々文物藪朝著變龍羣賢開游夏

友子兮欲聞道其人無不有胡為觸炎瘴累繭窮

南斗繫我罪通天松揪但蓬首楚音頰自慰何况

多抱負談經非吾事而且欠持守厚意不可孤烏

得三緘口

子長少好遊足迹徧海內文章雖竒偉於道實憤

憤橫集一室中如與神明對八荒在我聞婦姑焉

隔閭所以君子學分陰勿輕廢真積日已久天機
隨遇在靜躁苟異馳霄壤終自悔宜念三字符流
幸不相貸

唐城雖畿甸山海最深奧扶輿與蛇蟠珍奇萬其
號物產豈獨當人材或雄鷲洪子來千里與俗殊
嗜好讀書見大義逢原必深造談鋒日披之齊輩
俱絕倒庶將拋刀筆宗雷擬高蹈惜哉吾凡庸無
以資雅操

南州三時旱滿目粉稗村吉貝換斗粟兩直寧相
論藜羹併日食公府笙芋喧酒肉及斯役何曾顧

柴門詩書尚足飽肯就嗟來殮商歌出金石便腹
手自捫唯有蔡道州眷之意弥敦世情有好惡難
與俗人言

瑤光候標酉白露棲碧草幡之架上祀纂之園中
棗三子負笈還迢迢關嶺道如何艱虞中復此驚
離袍豈無一言贈業已屏華藻顏曾素志定功名
不須早作詩招之眾吾豈昌黎老送行語多酸攬
滌仰晴昊

簡時叔

樹杪高樓之下潭吏胥鷓鴣競城南舉觴白眼仍

朝諛羞殺中林范十三

以海歌長岸有霜一船風月共倘佯寒衣闖却簾
旌下誰信吳兒是木腸

風零鏗瑟本非狂攻玉他山詐可忘海上適來洪
及第山中曾有蔡文章

時叔與盧鄭二生讀書之暇必遊疑川船亭
上吟風咏月恣意歌詠溯洄上下月黑夜分
則登嶺南而宿每間數日如是及第洪繫自
金海來遊幾六七日一日之夕下嶺南樓乘
舟時叔等先在舟中不避洪媿其不為禮及

罷入城有傲言頗侵時叔時叔明日以書
責之有云足下以舊視之則洪生真也以今
視之則洪及第也沉窳中華蒙 恩赦猶不
齒於士論何不首而倨傲如是乎洪大忿恨
必欲報之僕聞之以為古人論文云天下未
有無對之文洪及第可對蔡文章也丙申歲
館閣諸公建白進文臣年少聰敏者給暇讀
書于藏義寺蔡壽柵健許琛曹偉楊熙止俞
好仁六人在選常時朝參皆不與焉時謂之
文章接一日班會弘文館書吏於司憲府舉

案注蔡公名下云文章且脫接字士林皆笑
之目為蔡文章洲文章

辛丑年三時無雨自十月初恒陰且雨旬餘
不止頗妨收穫及種麥又多虎患

早歲冬霖謾作泥天公應悔昔雲霓荒原涸之禾
生耳小市昏之虎印蹄誰向巫山吟錦樹憶曾天
祿照青藜有時日色篩松徑遙見孤嫠拾穗啼

崔奉常灝元捧公主胎來安于助野山因過
明菱窩袖出詩軸求和奉常善圖書地理之

學

助野山在密陽
府西十五里

義園一生兩探曠孰能儔峻級宜僉舉清時肯倦
遊山中靈運屐空裏邵雍樓羸得楚然喜言泉袞
袞流

吾州一都會更有數重樓紅樹星軺動清江液雨
休盃盤何似簡務裨不宜秋故去應前席寬征須
到頭

十一月初八日夜夢騎驢薄遊山水間與故
人前年及第金繼行相遇云我以司憲監察
為人所排而罷為省峴道察訪用方版如官
府所謂檄者錄其事始末以木余讀之既指

洗其字題詩以贈未成而覺但記前聯遂足成之金過五十得第

桂籍非遲暮烏臺任去留人言行或泥天且子為謀檄上雲烟動驢邊水石幽猶勝茶酒務程驛可優游

十一日緄小祥

兒亡如隔晨今日已初祥隙駒驀地去音容何渺
泔汝妻依汝母吾廬先壠傍唯應感與獲膜拜蒼
松岡

十月二十五日夜夢先君使陳詩覺而有作

夜欲荒鷄哭窓繞缺月窺遽然圓夢處宛似通庭
時風雅雖多愧羨墻庶在茲孤今年五十策勵戒

衰遲 此當在前
二首上

十一月十三日夜記事

月落松無風有聲如吹器三至甕牖頭有嗥尾不
掉狐狸寧辨此亦非臬鵬嘯長鬚悟軒睡起窺壁
間竅因言無所見衆星垂地照却恐偷兒來試以
謀劫剽不然山中虎警夜巡外徼繫我天所禍三
載潛蓬藿孝難感神物貧須五合糶汝誠不解事
二者無自召但疑方寸地世慮日以少塵編數百

卷古人只相吊廢井湛不波虛室忽自曜儀形在
土整風雨生石鈿塊坐夜復盡膏盲不可療山魘
及木魁定應來竊笑茲亦空谷音何用明之料綬
也枕書卧居然領其要

十一月二十日康甥辭故善山將還京

丁丑歲除

與伯氏持先君服廬于此伯琮八九歲時學十文及抄句

來因上壠喜去以辭我悲松陰蔭際轉駟騎谷中
嘶不喜笙歌待寧愁薄責隨胎韋時所尚忠信汝
當規款之鄉閭敬兢之宦路危心將疑水測程向
冷山馳乳婢臨歧泣庭闈聽鵲思應須看寵渥烏

得負書詩挑燈坐聖室憶尔舊吾伊

冬雷三章之十句

十有一月大雪之候雪無一點雨之如漱雨之尚
可靈靈奔走殷之馮之有同偃憇風自南來聲勢
相蹂

日將南至大包芒碭明來七日其復尚曠雷潛地
中忽在天上陽氣其洩百蟄咸仰雖非霹靂亦大
奮放

仲冬既殷有雷有雨云何農月曾不一迂歲卒大
歛天莫肯顧勉之我王側身祗懼候之盥矣孰

詳其故

昔丙子丁丑年大旱荒余居先公憂奴婢飢
食草木於是作食貧詩以記之今辛丑年方
居先妣憂旱荒尤甚六月十二日敬差官金
副正掾臣以審飢饉之狀巡到茲邑來話弊
廬自是日雨十四日大雨疑川水漲喜而有
作

二十年前逢有羅如今更和食貧詩
復痛濕青滿有設施隴畝爭看行雨使風雷應
自劫交池湧池一晝復一夜莫道天公見事遲

右詩當在寄柳氏女五章之下

元朝和通之兄

東村遙望鶴巢高賀歲家
似舊燈前老我不堪孤
翻覆年來亦到梅貧居
無分策杖從茲數往來

弘演進退格

弘演無肝膏野草隻身孤
偶出行殿眾罵鵬鳥飛
復配光儀向人未敢明
不須悲後宮歌吹桐
今日分將供役養此生容
泣落月空梁起整衣

人日和仲氏

七莢新春律三家去歲村金花驚節轉霜髮怯年
尊落砌泉聲碎烘窓日色温韶光何袞之懷抱向
誰論

和冲甫

滿壁圖書室轉幽羲農遠矣謾清愁一天星象纔
名斗九畹蘭馨或問蘓黃卷聖賢君且對蒼洲烟
月我将浮北辰賴有堯垂拱嘉與烝黎罷噢咻

朝來患眼率尔成興復用冲甫韻奉上 表
堂兄

胞胎遮眼一窓幽衾鐵稜之且自愁千日睡判予
日醉十年薰别十年猶啾之寒雀簷間啾藹之初
陽地際浮笑殺黃紬諸岳牧日高門外吏呀咻

復用冲甫韻寄時叔時叔從學二年余大祥
後還草溪余中月既訖將貨舟載家累還金
陵舊居其時當泊舟玄倉津 相訪

祥琴繞罷欲尋幽日夕懷君故之愁病未破來還
嗜炭人將鋤去肯栽猶風爐飲鉢生粗足柞棹扁
舟戶正浮安得相携在嶽上銜盃一笑楚人咻
尚牧宋侯遥年遣送沔川時詩軸求詩

西原別乘昔報政攀轅父老空閭井沔陽使君今
戒途騎竹兒童滿鄰境宋侯割鷄用牛刀美譽不
日騰雲霄賢開故人語難了大要勿耻詢芻蕘
憶昔春過懷德縣宅傍糶者傾湖甸牛車緜屬滿
意故共感能拋子母羨宋侯寬大早自矜我今舉
手賀沔人私贊斥與不慳閑何況徃布吾 王仁

咸安李署令依仁新居次師聖

百年華屋咄嗟成竹外窓扉控地形生長兒孫學
書鈞山西風韻有誰輕

藥圃挑蹊隨意成鄰翁甬汝自忘形凶年無限人

溝壑日醉從來萬事輕

誰將邊幅媚容成正是機關木偶形二寸角巾三
尺杖東阡西埭覺身輕

盧秀才瑋請僧智照詩卷

佛教入中國由漢顯節陵當時隨使者竺蘭與摩
騰佛教至東土作俑羅法興墨胡及阿道鬼多烏
足憑三軍初汗牛千函代以增末世恣演譯假託
莫能徵精微或一道偽贗尤可憎未聞大極中何
者為佛僧未聞五常內何者為三乘向壁妄見性
敢擬傳心燈悠悠百代底壞汚幾黎烝渠今學其

道沉迷實哀矜計出下愚下智照真虛稱豈無刻
雲刀光芒凜若冰未得扶汝眼惜哉吾無能

盧又為梁僧求詩

吾州梁氏子青歲蒙伽梨豈無遊方念鄉曲常棲
遲塋父祗陁林亦足全民彛所居非門墻吾其肯
麾之安得髮尔頂飲以倉公池所業自安分醫農
各有師何用捨名教恍惚求迦維

次善源贈盧君韻

屢把詩書叩倚廬人多不足子贏餘何須活水勤
三沐終擬長風借一噓槩几塵侵琴上鴈寒厨日照

釜中魚善源真箇吾同志故贈翰之 珩瑀居

和通之兄且呈彩筆僕近日將還金山

家住疑川西岸西晴池漱灑樹高低藏書千卷飢
難理更向金陵覓舊樓

頭尖穎脫管城子東里幽人勤喚來恨未同渠赴
竹所參橫月落與吟梅

二月十五日携家登途通之兄與冲甫弟餞
于水安驛冲甫有詩云平生付托非黃幹晚
歲悲吟似靜修宗直雖不敢望二子然平生
所恨不越乎此雖謂吾實錄可也感之遂和

三載楚音碧嶂秋馬頭今日又離憂凶年自愧同
秦贄風景非開泣楚囚舊學已荒難力討東隅雖
逝好交修外家分義惟君最到處相携恨末由

又

一榦三枝君不窮况今綠髮炯雙瞳吾家撞破烟
樓者惆悵難尋鬼錄中

通之兄有詩次韻

樽裏鵝兒淺黃驪駒歌罷尚吾鄉他時若記傷
離處喬木寒郵又夕陽

到金山奉寄密陽柳府使壤

東南雄麗是吾州太守風流更絕儔野外綠蕪揚
子宅江頭明月仲宣樓妓圍脫略因賙給酒令深
嚴為唱酬逐食畸人空戀泣三年恩澤洽松楸

用冲甫韻寄通之

援琴兩鬢已驚秋逐食春風更百憂血淚可堪辭
母黨黃冠猶欲作詩囚梅邊酒憶逢之飲鴈外書
當早之修他日茅齋三徑就芒屨竹杖倘經由

復用前韻寄孫生負孝祖

百玉要典魯春秋林下研窮足解憂物忌孤芳心
可表人嫌一行首堪囚丘園喜我交遊淡鄉里惟

君道義修珍重鷲城相送意驅蛩終始豈無由

生負學春秋於我凡三月僕還金陵時送我於靈山一門驛

水多寺僧學誼送六種菜

佳蔬種之手題封因想山中瘦鶴容採芼不須勤
赤脚一春猶可養衰翁

寒食日獨坐池上

頭白尋春也不中小軒危坐思何窮千村寒食挑
花雨半畝方塘燕子風上塚人回山漠之催租吏
到鼓通之安貧自是騷家事肯恨幽居甌石空

和子健

艱虞三載嘆睽離白石清川合共隨應笑陳人抱
夙尚霜髭鑷盡要趨時

次少游韻却寄

持身纔足備三尋處世真同竊一班才盡夢探懷
裏筆春畝日皴鏡中顏節次空卜東西壤詞賦還
慙大小山吾黨如君知者少雪車冰柱可追攀

次林元翁

年來兩鬢失青春豈意金華着此身草之圖書真
竊吹栖之鄒魯竟迷津未將簑笠綠南畝却整簪
纓向北辰和靖家風君不墜溪山隨處作閑人

三月三十日相之與其婿子美開宴見招僕
以齋不赴用賈島韻以荅

芳草華筵三月晦踏歌人繞兩長身清齋何預東
君事偷眼猶看一片春

和子健在郡舍與太守歡飲子美亦到

春雨閑人便當霖琴堂青眼把杯吟何如兀坐池
塘上閑看魚游碧藻深

吏部風流伯仲間恣之為別想應難坐浮太白仍
調笑誰道書生只帶酸

鄉中諸公餞余及鄭子美於南院樓太守在

倉中分糶仍有小詩以寄次韻

花事垂之退塵勞不賭歡高樓望皂蓋倘得出林

間

日羨京坻積旁騰父老歡金陵雖小邑廣廈百千

間

四月初八日雨

一年春事鬢刀騷螻蛄爭鳴土盡毛儻憇風披紅
萬簇滂沱雨漲綠三篙山家浴佛喧之集田里驅
牛腎之勞幸有松明官不禁貪民終夜代蘭膏

郡守令民皆張燈違者有罰民無
油者縛松明炬於長竿上連夜

四月初十日使君邀余及善源遊郡北冷泉亭令子真賦詩和之

敲榜連下日喧飀何似臨溪伸雅懷濃綠滿亭碁子散摺筇宜趁晚鴉回

何須絲竹更轟豗今日真成逸少懷為問遨頭乘興否不妨倒着接羅回

復呈使君

稍隔紛囂地仍尋窈窕泉
麥牟將擢穗楊柳已飛綿
亭為清遊勝詩因半醉圓
使君能盡興雞犬亦欣然

和金大猷五首

白首叨蒙一札頒幽居空寄讓
蘄間君言醫國太早計吾道從來
翫翫難

自憐老大惜居諸欲起興公問
遂初咄々今朝吾事辦一間矮屋
度歲書

莫學韓公送五窮且同宋玉賦
雄風世間萬事真牛鬪我亦年來
患耳聾

三年荒野斷知聞寂寞唯師病
子雲今日軒眉馳尺一何人更道
守玄文

大事吾何敢擔當膏盲從古少
良方細氈顧問如

將備要取君詩誦五章

仲容兄以余將赴台遙贐以詩豈知余之病不能進途次韻奉寄

老大襟懷易自傷
鵠原一日九回腸
宦情草之同雞肋
雲路冥之送鴈行
詩喻二虫蘇內翰
琴傳一女蔡中郎
會須杖策疑川曲
掉盡航舩壁手蟬黃

四月十五日以病草辭免應教
快遣人馳獻于承政院
仍誦東坡無官覺身輕之句
寂坐小軒睡悟有作書諸紙窓

今日無官返我初
小窓幽夢到華胥
一鑪蒼木薰

書了分付清風自卷舒

寄兼善

兼善持服在咸寧之虎溪東岸余若赴名則謀狂道相訪今以疾辭官初計乖張第思之余疾未瘳而兼善服闋則還京不遠余雖疾瘳浮海之志素定恐十年來未易對話姑寄以詩

當今大手得班揚
我忝貧交幾沐芳
兩地素廬同興耿
十年青瑣各漉漉
病難西笑風儀阻
老欲東浮畫計長
黃嶽虎溪才百里
不堪羸卧景瀛堂

和仲氏菴堂三咏

池

窄窄軒窓澹澹池
烟颯風皺雨餘姿
無端蘸却菘

堂老白髮蒼顏帶影嬉

葵

殿春寧要衆芳知見拔公儼亦一奇似為幽人
素節日中頽笑雨中歌

菊

煌煌金盞耀陶廬園裏群芳摠不如一夜青娥弄
鈿屑何曾得得伴幽居

佔異齋集卷之十五

